

四庫全書存目叢書編纂委員會編

齊魯書社

四庫全書存目叢書

集部
第二〇九冊

責任編輯：孫言誠 賀 偉

ISBN 7-5333-0615-5



EB45/07

四庫全書存目叢書·集部二〇九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.125 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二〇九冊目次

集部·別集類

謝程山集十八卷首一卷附錄三卷年譜一卷

〔清〕謝文淳撰 年譜 謝鳴謙撰
中國人民大學圖書館藏清道光三十年刻謝程山先生全書本

..... 一

虎溪漁叟集十八卷

〔清〕劉命清撰
浙江圖書館藏清康熙三十八年刻本

..... 三六六

彭省廬先生文集七卷詩集十卷

〔清〕彭師度撰
天津圖書館藏清康熙六十一年彭士超隆略堂刻本

..... 六二六

謝程山集十八卷首一卷附

錄三卷年譜一卷

〔清〕謝文潄撰 年譜 謝鳴謙撰

中國人民大學圖書館藏清道光三十

年刻謝程山先生全書本

附《四庫全書總目·謝程山集

十八卷》提要

謝程山集總目

南豐謝文潄約齋著

孫脩擴元孫

鳴謙 鳴篋 原本

易堂

諸友評定 同郡後學

饒拱辰吳榮祖

編校

髻山

吳熙儲 榮

受業門人參訂

卷之首

史傳 序

卷之一

日錄一

謝程山集

總目

卷之二

日錄二

卷之三

日錄三

卷之四

講義一

卷之五

講義二

卷之六

講義三	卷之七	十則	教條	會語	卷之八	論說	卷之九	書一	謝程山集 總目	卷之十	書二	卷之十一	書三	卷之十二	手簡	卷之十三	記	卷之十四

序	卷之十五	贈序	壽序	卷之十六	跋	書後	雜著	卷之十七	謝程山集 總目	傳狀	碑誌	祭文	卷之十八	詩	附錄一	親炙錄	附錄二	程山問答

附錄三

志傳 雜文

謝程山集

總目

四

欽定四庫全書總目 卷一百八十一 第二十六頁

謝程山集十八卷 江蘇巡撫採進本

國朝謝文淳撰文淳有學庸切已錄已著錄是集初祇目錄三卷講易義三卷書三卷乃其門人甘京黃采所編乾隆乙丑文淳元孫鳴謙又收合雜文遺稿與新城涂登陳道編為此本甘京序稱其早習舉子業為諸生年二十學禪有所得三十後始宗儒越四十始一以程朱為宗年六十七而卒將卒自作墓誌曰大學中庸切已錄凡八九易稿始定稿欲折衷先儒期足以啟發來學自訂所體驗者目錄三卷易堂諸友謝程山集 卷首 一
節行文章為海內所重某不自量亦欲學其詩文才短終不能就而已學亦遂旁洩云云蓋文淳生平以講學為主文章則其餘事耳

范序

家弟彥公一日詣其子齋頭忽見案上程山遺書驚歎曰此先忠貞公老友也方公撫浙時接填江西梅水魏子善伯久居幕府善伯爲謝先生故舊以此稱道義神交尺素往來無閒忠貞公廉名震四海政績光史冊蓋資先生之教益殊多焉今先生家孫宜爾遊學都門館於大司農馬公家與吾兒時御善故其贈詩有夙從梅水通魚雁今向庭階識鳳雛之句將以先人遺書付梓特懇 珠玉片言弁諸卷首以爲先集光於是彥公乃述其意郵其書至南署予展讀卒業焉

謝程山集 卷首 范序一

因撫卷歎曰是書一出使聖道昌明士風丕變繼往哲而開來學其有功世道人心不小也昔漢章帝親祀孔廟謂孔僖曰今日甯於卿家有光乎僖對曰臣聞明王聖主莫不尊師重道茲萬乘辱臨乃尊崇先師增輝聖德非臣之私榮也我皇上親幸孔林者數矣近奉詔書有山林隱逸文行高風眞儒實學許督撫保舉錄用情乎不得與先生同時舉其名以副

聖天子求賢若渴之意而爲國家增輝焉猶幸去先生未遠蒞先生之鄉得從其子孫讀

遺書而序之此予之願也夫其學庸切己錄講義也蓋羽經翼傳發先儒所未發得聖道之心傳焉其目錄也則躬行實踐克己嚴毅孜孜至老弗倦之言焉其讀易緒言則宇宙在手造化生身參贊位育之學登先聖之秘奧究性命之根源非功利俗學所能窺其萬一者焉其十則教條則誨及門諸弟子其書劄尺牘則與當日學者講論問答關異端崇正道折衷先儒而一以畏天命爲宗旨焉總之精義及三昧辨晰入微若卽一言一字無不諄諄然提擥振聵開擴萬古之心胸焉先儒曰爲天地立心爲生民立命爲往聖繼絕學爲萬

謝程山集 卷首 范序二

三四

世開太平其先生之謂歟予故曰是書一出其有功世道人心不小也嗚呼火盡則薪傳此先聖之有待於後學而道之所以流行古今也歟春秋之世六經已備而待孔子之刪訂贊修昌黎之文待永叔而始盛孔孟之學至濂洛諸子而大彰溯其當日栖皇奔走伐木削跡之阨身不顯而道亦晦火於秦黃老於漢佛於晉魏隋梁之閒然終不能磨滅者乃至歷數千百年以來燦然如皎日之中天而莫可掩使起當日桓魋武叔陳蔡諸侯而視之能毋汗流頰背蒙面而疾走乎古之人其書旣成有以治鐵沈諸井又或納諸瓢而浮乎江

海者歷千百年之久更能異光燭天終必欲出而傳諸世者
是何物也哉大抵聖賢遺書自有不泯而卓犖有識之士每
汲汲然樂爲表彰焉此後學之幸附青雲而聲施後世也今
先生既已崇祀鄉賢祠白鹿洞俎豆千秋矣而宜爾復文行
卓然聲稱籍籍所著爲心軒集業已流布畿甸洵克繩祖武
而敦家學焉獨其遺書尙未刊行於世蓋表彰先賢固封疆
重臣之職况又爲先忠貞公故舊老友而不爲之剗剗以傳
焉是誰之責而顧待其請歟

總督江南江西等處地方軍務兼理糧餉操江兵部尙書兼

謝程山集

卷首 范序三

五

都察院左都御史三韓後學范承勳蘇公頓首拜撰

張序

聖賢學問只是著實用工依本分做去不須立爲名目另標
宗旨誇示獨得之奇正晦菴所謂趁此心地明淨處大著胸
懷將世間道理從頭至尾理會一番真箇通徹無疑礙方是
向進也嘗思一貫之道固非別有塗徑可尋或由知入或由
行入未常不隨其質性之所近各覓路頭精進不已然後神
明默成不言而信會心於意象之表焉豈若俗儒僥倖籠罩
冥然悍然相與別戶分門猥自矜尙者哉善夫伊川之言曰
不用靜只用敬而文公亦曰主敬以立其本入道向進之基

謝程山集

卷首 張序一

六

洵未有親切於此者程山謝約齋先生主張斯道凡三十餘
年殫精研慮原始要終每於中庸首章及張子西銘沈吟密
詠浩然有得乃益信程朱主敬之旨誠不我欺而且於論語
畏天命一言尤有獨契也夫張子於中庸窺見蘊奧發明理
一分殊之道因作西銘一篇約齋於論語洞徹淵微亦深知
天命賦予之原標出講義大旨是其用功之由得力之處均
有可以自喻可以告人者非苟而已也且夫道之大原出於
天天者理而已詩曰敬天之怒無敢戲豫敬天之渝無敢馳
驅敬也而何莫非畏也故朱子云要緊須是知得天命卽是

天理纔知得便自不容不畏又云如非禮勿視聽言動與夫
戒謹恐懼皆所以畏天命今誦約齋之言曰人生食息起居
於照臨之下全憑此理爲主持本身所得之天理是人人之
所當知知天理是知自己一身的事此卽朱子之前說也約
齋又曰注目而視傾耳而聽一切動靜云爲於衾於影於暗
室屋漏於不睹不聞力自戒慎恐懼力求不疚不愧此卽朱
子之後一說也約齋惟篤信程朱是以積學潛修精微廣大
印證儒先無不脗合先生遺書具在觀其切己錄曰錄講義
緒言與夫程山十則以及纂訂諸編擴之有以彌宇宙而精
謝程山集 卷首 張序二 七

之可以析毫芒使非徹首徹尾精粗本末無不咸貫而能深
切著明若是歟昔曾子固爲有宋作者朱子常亟稱之然謂
其初亦止學爲文於根本工夫見處不徹今約齋先生不事
文章專崇道德而讀其遺書無非載道之文有德之言時時
吐露於躬行實踐之下其爲度越前修當復何如先生冢孫
修振亦蚤有譽來遊吳門奉先生書謁予官舍且丐弁言付
梓予惟自今以往南豐昔爲子固重今爲約齋重矣而修振
亦於是乎無墜先緒益濬其源而沛乎其流也是則吾道之
厚幸也爰不揣固陋書此而爲之序

康熙辛卯仲夏儀封後學張伯行題於姑蘇之正誼堂

謝程山集

卷首 張序三

八

陳序

程山文集十八卷南豐謝秋水先生著當時及門弟子甘穉齋黃亮公會編次日錄講義書牘鈔錄成帙其他雜文多散佚零亂乾隆十年冬元孫鳴謙乃彙集其書付吾友涂子于岸爲之採集編訂將付諸梓而示道曰謝先生易堂畏友其言皆篤實可循不可不公於世予維前古儒學之興至明而大振亦至明而大壞蓋自四子六籍之學浸漬於人心求髮受書卽知尙名義崇本務實故一時道德經濟文章節烈之士濟濟翔翔爲世羽儀後稍淩弱衰微性命仁義之言則益謝程山集

卷首 陳序一

九

緣意氣矜尙而陷於一偏不自知也程山之學以畏天命爲宗以切己爲要以當前一步不放過爲基址其於微顯之幾可謂審矣而易堂諸子或規其迂闊不達事情先生輒改容受之往復論議得其指歸而後已嗚呼觀易堂之忠告程山之虛受與世之分門別戶自膠意見者迥然不侔古所謂以友輔仁者始不過是是豈不可法而可傳哉往歲讀先生大學中庸切己錄折中簡當於前賢解說不苟爲同異儀封張清恪序其書歎爲有德之言今讀是編益信然吾於是益思髻山爲人當日與諸君子時相過從互爲啟發者當復有在謝程山集

卷首 陳序二

十

謹序

今其書散亡不獲並傳可惜也乾隆丁卯歲新城後學陳道

甘序

四科之中有文學子游子夏非自造於德行其所長在文也春秋筆則筆削則削夫子之文也游夏之徒不能贊一辭則游夏惟長於以辭贊也子貢問一貫而性道與文章已分辨言之後世又舍威儀而專以文辭爲文章六經尙矣經天緯地之文也下此而諸子百家以迄於今汗牛充棟之書不能不分辨言之文有出經入史者公穀左國諸傳是也有經邦定國者如管晏孫吳董賈趙充國諸人是也有記事議論之文班馬諸人唐宋諸大家是也有淑性陶情之文出師陳情

謝程山集

卷首

甘序一

十一

表歸去來辭正氣歌諸篇是也有講學明理之文周程張朱諸儒先語錄是也至於適用則農圃醫卜皆有其文惟申韓佛老之書誠不免於離經而畔道或人如其文文如其人或文不必如其人人不必如其文或一人而各兼有數長者不可勝數要皆立言有本故其文亦傳至今不朽也吾師程山先生早習舉子業爲諸生年二十學禪有所得三十後始宗儒越四十始一以程朱爲宗年六十七而卒門人私諡曰明學其將卒自作墓志曰大學中庸切己錄凡八九易葉始定竊欲折衷先儒期足以啟發來學自訂所體驗者爲目錄二

卷易堂諸友節行文章爲海內所重某不自量亦欲學其詩

文才短終不能就而已學亦遂旁洩不得深造周元公曰文所以載道也文辭藝也道德實也歐陽文忠公曰聖人之文雖不可及然大抵以道勝者文不難而自至魏叔子曰有作家之文有才士之文有儒者之文最爲分辨蓋聖人之道極其高美而文自如之才士作家志在文不在道而文終有幾於高美者儒者志在道而不在文如叔子所謂卑弱庸庸漫衍拘牽之病誠有之要不失其爲講學明理特不得以文辭醉人之心貽笑人之口耳其初欲學爲聖人之人不可得豈

謝程山集

卷首

甘序二

十二

能妄希聖人之文不能妄希聖人之文又不免用心於才士作家之所爲安得無旁洩之懼此先儒所謂玩物喪志讀史心粗全身奔冊子上皆爲志道而旁洩者言之故謂有能文之儒者可也謂儒者必能文不能文則不得爲儒者不可也要成其爲儒者之文而已矣吾師德性篤學而天資亦近於魯故讀書必深研而其所心悟每得之苦思亦所謂竟以魯得者著述以切己錄目錄講義三者爲要眞講學明理之文至序記傳銘所作無多亦有意爲作家之文雖未嘗不可傳而於爬羅剔抉含咀英華則功有所未專而吾師之志固不

在也諸弟子不欲散失屬京綜輯命其幼孫修擴繕寫成帙
詩學少專嗜詩歸晚爲易堂所廣而鍾譚氣習時時見之惟
學道盡變其少所向慕此其功有獨至足以當明學之稱者
京服師最誠事師日久不能紹師所學因緝師之文而言師
之學後之學者其必有以明吾師之學也夫門人甘京頓首
謹序

謝程山集

卷首 甘序三

十三

謝序

先子明學公講學程山躬行之餘見於文字聞者張清恪公
伯行爲刻大學切己錄於蘇州先叔父鞏孝公兄弟續刻中
庸切己錄於家本量又刻竹影亭詩於程山三世詩中至今
在也其文集講義日錄當時門弟子甘樸齋京黃亮工采所
纂訂先大父祖軒公所手錄者乾隆乙丑新城陳凝齋道微
刻於濟潯旋燼於鄰火本量自知向學以來畱心於文詞閒
從敗篋殘編故家世友中得先子所自繕之文或前後迭更
或易堂髻山諸子有所刪潤或程山諸門弟子有所討論每
謝程山集 卷首 謝序一 十四
一篇中稿凡七八此賞彼疑片語隻字互有所得均非漫然
苟然也然以之成集則入五都之市百寶雜陳有愛之不可
勝愛者收彙舊本反覆吟玩屏營傍徨而莫敢遽定者今已
三十餘年矣夫六經爲經天緯地之文萬世道德之宗也孔
子自謂述而不作聖與仁而不敢居然而曰文莫吾猶人也
又曰吾自衛反魯然後樂正又曰知我者其惟春秋乎罪我
者其惟春秋乎則六經宜無遺美也乃四子書及諸子百家
所引逸詩佚書其鉤元提要正法奇葩甚未與六經相類也
卽夫子之文章子貢所得聞者而論語之文學庸家語互

異何歟先子生平惟性道是求躬行是篤自恐旁洩於文字固不以文詞爲工而言以載道千百世之下論其世景慕其人者又未嘗不於讀其書如身親炙其人也則文詞亦綦重哉蓋人雖巨富也家常日用之器物宜無不美備然而開大庭延賓客陳宗廟薦祖考則必擇而出之其體式宜華樸相稱而布置宜繁簡合倫所棄者未必非美而無當於用也然則校定古人之文豈可雜然而無裁節去取於其閒乎朱子於大學古本疑簡策有所斷闕毅然顛倒之刪之補之而二程遺書則各存其門弟子所記而不敢贊一辭豈程門諸弟

謝程山集

卷首 謝序一

十五

子之記錄果勝於大學古本耶而至今讀大學者終以朱子所定爲是子曰辭達而已矣昌黎曰文惟求其是小子本量於道無所窺而於文則亦嘗承先世所傳伯兄所指授沈酣寢食其中亦既有日矣則程山文集散佚至今其彙而訂之非小子之責是誰之責歟編次既竟輒自敘其緣起非敢妄也蓋道爲天下之公物文亦天下之公是也元孫本量謹序

跋

程山先生承明季會講餘風獨契論語畏天命一言之旨其學凡三變初棄舉業幾墮於禪年二十九讀象山集三十一讀龍溪陽明集三十四與王聖瑞會講聖瑞闢陽明與辨蔡日三十六讀整庵因知記不合至四十二始悟而篤信日析禪學之弊四十三遂揭畏天命爲宗旨先生之學之卒軌乎正而臻於純者有所畏也世之學者師心論古妄爲優劣之辨不審是非同於己者爲優異於己者爲劣苛其所或略誣其所必無侈參其無懼憚之說視不學者之性情心術更有

謝程山集

跋

一

不堪問者無畏之作於其心也作於心而爲學術之害作於事而爲政事之害尤無畏之念欺罔虛誕必使天下人無所不爲天下事無一能爲而後已嗚呼此先生所以揭畏字之旨以治己卽以治人而範世訓俗之意歷久遠而愈覺其切近矣祖同幸生先生之鄉讀其遺集服膺有年今里中同志以書來告曰程山集版舊燬世赴傳本遂令妄者輒生異議亟謀付梓以廣其傳祖同羈於官守不獲從編校之役而竊推測先生論學大旨寄質同志願讀是集者審先生問善則遷之詣而共懷然有所畏焉

道光二十九年八月朔十日後學譚祖同跋

謝程山集

跋

二

目錄序

自有宋以來諸儒篤志聖賢莫不各有語錄蓋自道其所得與其所以自治及其所以誨人悉書之於冊以備遺忘質師友俟後世而其閒或醇或駁或得或失或同或異無不犁然共見要皆有不可磨滅之精神不得自己之旨趣故一言一論之閒而其人生平之學問識者卽於此定其淺深此固本之於心得不容誣也如吾師謝約齋夫子日錄其足以垂訓來學啟發羣蒙者亦豈有異與吾師生俗懃道微之日慨然以斯文爲己任特立獨行無待而興始焉悅心禪寂繼焉宗

謝程山集

卷一

一

主陽明及其終也一以程朱爲法體認深沈踐履篤實念程朱之學以主敬爲本敬守乎理理原於天天以是理與人而不可違故一動一靜一語一默理之所在卽天命之所在少有所越是爲逆天自古聖人言欽言恭言翼翼言敬止無非昭事上帝之心故學問工夫千端萬緒一歸之於畏天命較之空言敬者更覺有所歸宿而又以少私吝終無以入聖賢之域故於西銘一書惓惓致意欲使萬物一體之念耿耿於中而後不爲私累俯仰上下之閒實見天人合一之故則所以畏天命者愈不容渝然而學者之患非因循則躐等希

高慕遠算後思前而於見前所當盡者不勝鵠突故又教人以當下一步切莫放過以當下卽天命所當然無庸等待不須簡擇從此綿綿密密便可盡性致命是吾師之自治與以誨人誠可謂篤實精深大有功於先聖有裨於後學茲日錄中所以剖決其胸臆抒寫其性情鞭策其志氣者刻骨鏤心語語諄切使人讀之悠然而思奮然而興惻然而無以自安凜然而有所持循至於尙論之旨經世之方闢二氏之妄誕尤爲深入不謬不悖皆於此中時散見焉采從事師門三十餘載耳提面命之下竊自幸不至淪於暴棄慨自昊天不弔

謝程山集

卷一

二

哲人云萎取遺書而讀之輒潸然淚下又自愧未能有所成就每披誦日錄不啻侍立師前因不揣愚昧較訂成帙嗚呼吾師於山陬僻壤超然獨出天之篤生夫豈偶然采學術荒鄙雖不能表揚盛美然日月經天江河行地豈久爲湮晦知必有大賢志同道合見是錄而嘉與者吾見其當與薛敬軒先生讀書錄胡敬齋先生居業錄羅整菴先生困知記同炳蔚於天壤間矣又豈非斯道之幸也哉庚午仲秋南城門人黃采頓首謹序

謝程山集卷之一目錄

南豐謝文游約齋著

孫修撰元孫

鳴謙鳴盛來孫

宗紹原本

易堂

警山

諸友評定

同郡後學

饒拱辰

吳榮祖吳嘉善

編按

受業門人參訂

日錄一

謝程山集

卷一

一

謝程山集卷之一 目錄一

誠是最先若能誠則諸凡工夫方有安頓處

萬物皆備於我前後皆備於今總不離目前一步約之又約

只在此處卽至誠無息純亦不已皆自此踏去

目前一步不放過思前算後總是無益

一步之外希微踰越不得一步之內希微滯著不得言小心

如此方是真小心言翼翼如此方是真翼翼

體會天地之塞吾其體天地之帥吾其性二句知吾之體非

吾所得私也乃天地之塞也吾之性非吾所得私也乃天

謝程山集

卷一

一

地之帥也渾身都是天地的物自己毫無所私則凡一起

念一舉動皆須還爲天地用乃欲竊據爲己有念念自私

眞妄人也舜禹有天下而不與我有此身亦不與非不與

也無與之者

朱云看得吾與天地原非兩件混然二字方親切

顧先生大任說有曰四顧惟谷逼出全副眞精神一身如餘

埽盡諸般閒技倆上句無一絲偷惰氣下句無一絲貪著

心只一片至誠全體擔當於此有得則於江漢以濯秋陽

以暴氣象亦可以窺見此子

眞精神不出須是逼出閒技倆不盡須是埽盡逼得緊埽得

疾亦自然相應須知大任在身卻不得擔如今不可謂不

知此事既知此事而又不任便是父母大不孝子也如今

一家人全然顛倒全然陷溺父母之心必是哀痛至極恨

少一克家之子耳我既知之而又不赤身擔荷則不孝之

罪比一家人更大父母豈不痛恨

每每尙有閒掛繫還不是懸崖撒手氣槩如此便非本色材

料承當重擔不得隱實切須抖擻

上帝臨汝無貳汝心如何畱得些子別念掛帶十二時中行

謝程山集

卷一

二

住坐臥稍稍停機件思於軀殼子上起見便疾與埽去只

畱一片赤膽忠肝奉與上帝爲之盡其所事而已便到刀

鋸鼎鑊甘心如飴不作一毫悔念

今日既已明白此理便是受上帝託孤之命上帝一點親骨

血其危如綫敢不忘身命以圖保護然每自疑精神短弱

智識愚昧習染深固如何承當得此任反復思之此理千

足萬足在自己分中不少欠一絲但貴一片眞誠挺身擔

荷則短弱者自會剛長愚昧者自會開通深固者自會消

融更復何患只要時時顧念如執玉奉盈不敢遺忘於瞬